

**Ֆինանսական հաշվետվություններ  
Անկախ աուդիտորի եզրակացություն**

**«Ռոսնեֆտ-Արմենիա» ՓԲԸ**

31 դեկտեմբերի 2020թ.



# Բովանդակություն

Անկախ աուդիտորի եզրակացություն	3
Ֆինանսական վիճակի մասին հաշվետվություն	6
Շահույթի կամ վնասի և այլ համապարփակ ֆինանսական արդյունքի մասին հաշվետվություն	7
Սեփական կապիտալում փոփոխությունների մասին հաշվետվություն	8
Դրամական միջոցների հոսքերի մասին հաշվետվություն	9
Դրամական միջոցների հոսքերի մասին հաշվետվություն (շարունակություն)	10
Ֆինանսական հաշվետվություններին կից ծանոթագրություններ	11

## Անկախ աուդիտորի եզրակացություն

### Գրանթ Թորնթոն ՓԲԸ

Երևան Պլազա բիզնես կենտրոն

ՀՀ, ք. Երևան 0015

Գրիգոր Լուսավորչի 9

Հ. + 374 10 50 09 64/61

### Grant Thornton CJSC

Yerevan Plaza Business Center

9 Grigor Lusavorich Street,

Yerevan 0015, Republic of Armenia

T + 374 10 50 09 64/61

«Ռոսնեֆտ-Արմենիա» ՓԲԸ-ի բաժնետերերին

### Կարծիք

Մենք աուդիտի ենք ենթարկել «Ռոսնեֆտ-Արմենիա» ՓԲԸ (Ընկերություն) ֆինանսական հաշվետվությունները, որոնք ներառում են 2020թ. դեկտեմբերի 31-ի դրությամբ ֆինանսական վիճակի մասին հաշվետվությունը, ինչպես նաև այդ ամսաթվին ավարտված տարվա շահույթի կամ վնասի և այլ համապարփակ ֆինանսական արդյունքի մասին հաշվետվությունը, սեփական կապիտալում փոփոխությունների մասին հաշվետվությունը և դրամական միջոցների հոսքերի մասին հաշվետվությունը, ինչպես նաև ֆինանսական հաշվետվություններին կից ծանոթագրությունները, ներառյալ հաշվապահական հաշվառման քաղաքականության նշանակալի մասերի վերաբերյալ համառոտագիրը:

Մեր կարծիքով՝ կից ֆինանսական հաշվետվությունները տալիս են Ընկերության՝ 2020թ. դեկտեմբերի 31-ի դրությամբ ֆինանսական վիճակի և նույն ամսաթվին ավարտված տարվա ֆինանսական արդյունքների ու դրամական հոսքերի ճշմարիտ և իրական պատկերը՝ համաձայն Ֆինանսական հաշվետվությունների միջազգային ստանդարտների (ՖՀՄՍ-ներ):

### Կարծիքի հիմք

Մենք աուդիտն անցկացրել ենք աուդիտի միջազգային ստանդարտներին (ԱՄՍ-ներ) համապատասխան: Այդ ստանդարտներից բխող մեր պատասխանատվությունը լրացուցիչ նկարագրված է մեր եզրակացության՝ «Աուդիտորի պատասխանատվությունը ֆինանսական հաշվետվությունների աուդիտի համար» բաժնում: Մենք անկախ ենք Ընկերությունից՝ համաձայն Հաշվապահների էթիկայի միջազգային ստանդարտների խորհրդի կողմից հրապարակված «Պրոֆեսիոնալ հաշվապահի էթիկայի կանոնագրքի» (ՀԷՄՍԽ կանոնագիրք) և էթիկայի համապատասխան պահանջների, որոնք կիրառելի են ֆինանսական հաշվետվությունների մեր աուդիտի նկատմամբ Հայաստանի Հանրապետությունում, և կատարել ենք էթիկայի գծով մեր այլ պարտականությունները՝ էթիկայի նշված պահանջների համաձայն: Մենք համոզված ենք, որ մեր կողմից ձեռք բերված աուդիտորական ապացույցները բավարար և համապատասխան հիմք են հանդիսանում մեր կարծիքն արտահայտելու համար:



### *Հանգամանքների շեշտադրում*

- Մենք ուշադրություն ենք հրավիրում ֆինանսական հաշվետվություններին կից ծանոթագրություն 1-ի վրա, որտեղ ներկայացված են նոր տիպի COVID-19 հիվանդության տարածման ազդեցությունը: Սույն ֆինանսական հաշվետվությունները չեն ներառում վերը նշված հանգամանքի հնարավոր ազդեցությունը: Մեր կարծիքը չի ձևափոխվել այս հանգամանքների առնչությամբ:
- Մենք ուշադրություն ենք հրավիրում նաև ֆինանսական հաշվետվություններին կից ծանոթագրություն 23.2-ի վրա, որտեղ ներկայացված են Հայաստանի Հանրապետության հարկային օրենսգրքում տրանսֆերային գնագոյացման վերաբերյալ նոր կարգավորումները:

### *Ղեկավարության և կառավարման օղակներում գտնվող անձանց պատասխանատվությունը ֆինանսական հաշվետվությունների համար*

Ղեկավարությունը պատասխանատու է ՖՀՄՍ-ների համաձայն ֆինանսական հաշվետվությունների պատրաստման և ճշմարիտ ներկայացման և այնպիսի ներքին հսկողության համար, որն ըստ ղեկավարության, անհրաժեշտ է խարդախության կամ սխալի հետևանքով էական խեղաթյուրումներից զերծ ֆինանսական հաշվետվությունների պատրաստումն ապահովելու համար:

Ֆինանսական հաշվետվությունները պատրաստելիս ղեկավարությունը պատասխանատու է Ընկերության՝ անընդհատ գործելու կարողությունը գնահատելու համար, համապատասխան դեպքերում անընդհատության հետ կապված հարցերը բացահայտելու և Ընկերության գործունեության անընդհատության ենթադրության հիման վրա հաշվետվությունները պատրաստելու համար, բացառությամբ այն դեպքերի, երբ ղեկավարությունը մտադիր է լուծարել Ընկերությունը, ընդհատել դրա գործունեությունը կամ, երբ չունի այդպես չվարվելու որևէ իրատեսական այլընտրանք:

Կառավարման օղակներում գտնվող անձիք պատասխանատու են Ընկերության ֆինանսական հաշվետվողականության գործընթացի վերահսկման համար:

### *Աուդիտորի պատասխանատվությունը ֆինանսական հաշվետվությունների աուդիտի համար*

Մեր նպատակն է ձեռք բերել ողջամիտ հավաստիացում առ այն, որ ֆինանսական հաշվետվությունները բոլոր էական առումներով զերծ են էական խեղաթյուրումներից՝ անկախ դրանց՝ խարդախության կամ սխալի հետևանքով առաջացման հանգամանքից, և ներկայացնել մեր կարծիքը ներառող աուդիտորական եզրակացություն: Ողջամիտ հավաստիացումը բարձր մակարդակի հավաստիացում է, բայց այն չի երաշխավորում, որ ԱՄՍ-ներին համապատասխան իրականացված աուդիտը միշտ կհայտնաբերի էական խեղաթյուրումը, երբ այն առկա է: Խեղաթյուրումները կարող են առաջանալ խարդախության կամ սխալի արդյունքում և համարվում են էական, երբ խելամտորեն կարող է ակնկալվել, որ դրանք առանձին կամ միասին վերցրած կազդեն օգտագործողների՝ այդ ֆինանսական հաշվետվությունների հիման վրա կայացվող տնտեսական որոշումների վրա:

Որպես ԱՄՍ-ներին համապատասխան աուդիտի մաս, աուդիտի ողջ ընթացքում մենք կիրառում ենք մասնագիտական դատողություն և պահպանում ենք մասնագիտական կասկածամտություն: Ի լրումն՝

- Որոշակիացնում և գնահատում ենք խարդախության կամ սխալի հետևանքով ֆինանսական հաշվետվությունների էական խեղաթյուրման ռիսկերը, նախագծում և իրականացնում ենք աուդիտորական ընթացակարգեր՝ այդ ռիսկերին արձագանքելու նպատակով, և ձեռք ենք բերում աուդիտորական ապացույցներ, որոնք բավարար ու համապատասխան հիմք են



հանդիսանում մեր կարծիքի համար: Խարդախության պատճառով առաջացած էական խեղաթյուրման չհայտնաբերման ռիսկն ավելի բարձր է, քան սխալի հետևանքով էական խեղաթյուրման չհայտնաբերման ռիսկը, քանի որ խարդախությունը կարող է ներառել հանցավոր համաձայնություն, զեղծարարություն, միտումնավոր բացթողումներ, սխալ ներկայացումներ կամ ներքին հսկողության չարաշահում:

- Ձեռք ենք բերում պատկերացում աուդիտին վերաբերող ներքին հսկողության մասին՝ տվյալ հանգամանքներին համապատասխան աուդիտորական ընթացակարգեր նախագծելու, այլ ոչ թե Ընկերության ներքին հսկողության արդյունավետության վերաբերյալ կարծիք արտահայտելու համար:
- Գնահատում ենք հաշվապահական հաշվառման կիրառված քաղաքականության տեղին լինելը, ինչպես նաև ղեկավարության կողմից կատարած հաշվապահական հաշվառման գնահատումների և համապատասխան բացահայտումների ողջամտությունը:
- Եզրահանգումներ ենք կատարում ղեկավարության կողմից հաշվապահական հաշվառման անընդհատության հիմունքի կիրառման տեղին լինելու վերաբերյալ և, հիմնվելով ձեռք բերված աուդիտորական ապացույցների վրա, գնահատում ենք՝ արդյոք առկա է դեպքերի կամ հանգամանքների հետ կապված էական անորոշություն, որը կարող է նշանակալի կասկած հարուցել Ընկերության անընդհատ գործելու կարողության վերաբերյալ: Եթե մենք եզրահանգում ենք, որ առկա է էական անորոշություն, ապա մեզանից պահանջվում է աուդիտորի եզրակացությունում ուշադրություն հրավիրել ֆինանսական հաշվետվությունների համապատասխան բացահայտումներին, կամ, եթե այդպիսի բացահայտումները բավարար չեն, ձևափոխել մեր կարծիքը: Մեր եզրահանգումները հիմնված են մինչև մեր եզրակացության ամսաթիվը ձեռք բերված աուդիտորական ապացույցների վրա: Այնուամենայնիվ, ապագա դեպքերը կամ իրավիճակները կարող են ստիպել Ընկերությանը դադարեցնել անընդհատության հիմունքի կիրառումը:
- Գնահատում ենք ֆինանսական հաշվետվությունների ընդհանուր ներկայացումը, կառուցվածքը և բովանդակությունը, ներառյալ բացահայտումները, ինչպես նաև ֆինանսական հաշվետվությունների հիմքում ընկած գործարքների ու դեպքերի ճշմարիտ ներկայացումը:

Կառավարման օղակներում գտնվող անձանց, ի թիվս այլ հարցերի, հաղորդակցում ենք աուդիտորական առաջադրանքի պլանավորված շրջանակի և ժամկետների, ինչպես նաև աուդիտի ընթացքում հայտնաբերված նշանակալի հարցերի, ներառյալ ներքին հսկողությանը վերաբերող նշանակալի թերությունների մասին:

Արմեն Հովհաննիսյան  
Տնօրեն

19 մարտի 2021թ.



Էմիլ Վասիլյան  
Առաջադրանքի պատասխանատու

# Ֆինանսական վիճակի մասին հաշվետվություն

Հազար ԱՄՆ դոլար		2020թ. դեկտեմբերի 31-ի դրությամբ	2019թ. դեկտեմբերի 31-ի դրությամբ
	Ծանոթ.		
<i>Ակտիվներ</i>			
<i>Ոչ ընթացիկ ակտիվներ</i>			
Հիմնական միջոցներ	4	686	590
Ոչ նյութական ակտիվներ		4	6
Հետաձգված հարկային ակտիվներ	5	139	258
Տրված փոխառություններ	6	990	1,096
		<u>1,819</u>	<u>1,950</u>
<i>Ընթացիկ ակտիվներ</i>			
Պաշարներ	7	459	453
Առևտրային և այլ դեբիտորական պարտքեր	8	6,311	11,323
Բանկային ավանդներ		10,008	-
Մնացորդներ դրամարկղում և բանկերում	9	1,745	9,870
		<u>18,523</u>	<u>21,646</u>
Ընդամենը ակտիվներ		<u>20,342</u>	<u>23,596</u>
<i>Սեփական կապիտալ և պարտավորություններ</i>			
<i>Կապիտալ</i>			
Բաժնետիրական կապիտալ	10	5	5
Պահուստային կապիտալ		1	1
Զբաղիված շահույթ		2,813	12,215
		<u>2,819</u>	<u>12,221</u>
<i>Ընթացիկ պարտավորություններ</i>			
Առևտրային և այլ կրեդիտորական պարտքեր	11	17,523	11,375
		<u>17,523</u>	<u>11,375</u>
Ընդամենը սեփական կապիտալ և պարտավորություններ		<u>20,342</u>	<u>23,596</u>

Ֆինանսական հաշվետվությունները հաստատվել են 2021թ. մարտի 19-ին:

Դմիտրի Պուչկով  
Գլխավոր տնօրեն

Արսեն Պապոյան  
Գլխավոր հաշվապահ



Ֆինանսական վիճակի մասին հաշվետվությունը պետք է ընթերցվի այս ֆինանսական հաշվետվությունների բաղկացուցիչ մասը կազմող 11-ից մինչև 37-րդ էջերում ներկայացված կից ծանոթագրությունների հետ մեկտեղ:

# Շահույթի կամ վնասի և այլ համապարփակ ֆինանսական արդյունքի մասին հաշվետվություն

Հազար ԱՄՆ դոլար		2020թ. դեկտեմբերի 31-ին ավարտված տարի	2019թ. դեկտեմբերի 31-ին ավարտված տարի
	Ծանոթ.		
Հասույթ	12	89,790	161,822
Վաճառքի ինքնարժեք	13	(84,090)	(152,418)
Համախառն շահույթ		5,700	9,404
Այլ եկամուտ		5	-
Իրացման ծախսեր		(29)	(35)
Վարչական ծախսեր	14	(2,085)	(2,978)
Այլ ծախսեր		(21)	(190)
Գործառնական գործունեությունից շահույթ		3,570	6,201
Զուտ ֆինանսական եկամուտ	15	130	75
Այլ ֆինանսական հոդվածներ	16	(217)	126
Շահույթ մինչև հարկերը		3,483	6,402
Շահութահարկի գծով ծախս	17	(670)	(1,301)
Տարվա շահույթ		2,813	5,101
Տարվա այլ համապարփակ ֆինանսական արդյունք հարկումից հետո		-	-
Ընդամենը տարվա համապարփակ ֆինանսական արդյունք		2,813	5,101

Շահույթի կամ վնասի և այլ համապարփակ ֆինանսական արդյունքի մասին հաշվետվությունը պետք է ընթերցվի այս ֆինանսական հաշվետվությունների բաղկացուցիչ մասը կազմող 11-ից մինչև 37-րդ էջերում ներկայացված կից ծանոթագրությունների հետ մեկտեղ:



# Սեփական կապիտալում փոփոխությունների մասին հաշվետվություն

Հազար ԱՄՆ դոլար	Բաժնե- տիրական կապիտալ	Պահու- տային կապիտալ	Չբաշխված շահույթ	Ընդամենը
2019թ. հունվարի 1-ի դրությամբ	5	-	7,515	7,520
Տարվա շահույթ	-	-	5,101	5,101
Ընդամենը տարվա համապարփակ ֆինանսական արդյունք	-	-	5,101	5,101
Փոխանցում պահուստային կապիտալին	-	1	(1)	-
Շահաբաժիններ	-	-	(400)	(400)
Գործարքներ սեփականատերերի հետ	-	1	(401)	(400)
2019թ. դեկտեմբերի 31-ի դրությամբ	5	1	12,215	12,221
Տարվա շահույթ	-	-	2,813	2,813
Ընդամենը տարվա համապարփակ ֆինանսական արդյունք	-	-	2,813	2,813
Շահաբաժիններ	-	-	(12,215)	(12,215)
Գործարքներ սեփականատերերի հետ	-	-	(12,215)	(12,215)
2020թ. դեկտեմբերի 31-ի դրությամբ	5	1	2,813	2,819

Սեփական կապիտալում փոփոխությունների մասին հաշվետվությունը պետք է ընթերցվի այս ֆինանսական հաշվետվությունների բաղկացուցիչ մասը կազմող 11-ից մինչև 37-րդ էջերում ներկայացված կից ծանոթագրությունների հետ մեկտեղ:

# Դրամական միջոցների հոսքերի մասին հաշվետվություն

Հազար ԱՄՆ դոլար	2020թ. դեկտեմբերի 31-ին ավարտված տարի	2019թ. դեկտեմբերի 31-ին ավարտված տարի
Գործառնական գործունեությունից դրամական միջոցների հոսքեր		
Տարվա շահույթ	2,813	5,101
<i>Ճշգրտումներ՝</i>		
Մաշվածություն և ամորտիզացիա	83	91
Շահութահարկի գծով ծախս	670	1,301
Ֆինանսական եկամուտ	(160)	(119)
Տրված փոխառությունների արժեզրկումից կորուստ	9	190
Փոխարժեքային տարբերությունից վնաս/(օգուտ), զուտ	217	(126)
<i>Գործառնական շահույթ նախքան շրջանառու կապիտալի փոփոխությունները</i>	<u>3,632</u>	<u>6,438</u>
Առևտրային և այլ դեբիտորական պարտքերի փոփոխություն	4,975	(6,803)
Պաշարների փոփոխություն	(6)	2
Առևտրային և այլ կրեդիտորական պարտքերի փոփոխություն	(4,894)	633
<i>Գործառնական գործունեությունից ստացված դրամական միջոցներ</i>	<u>3,707</u>	<u>270</u>
Վճարված շահութահարկ	(551)	(2,305)
<i>Գործառնական գործունեությունից ստացված/(գործունեության համար օգտագործված) զուտ դրամական միջոցներ</i>	<u>3,156</u>	<u>(2,035)</u>

## Դրամական միջոցների հոսքերի մասին հաշվետվություն (շարունակություն)

Հազար ԱՄՆ դոլար	2020թ. դեկտեմբերի 31-ին ավարտված տարի	2019թ. դեկտեմբերի 31-ին ավարտված տարի
Ներդրումային գործունեությունից դրամական միջոցների հոսքեր		
Հիմնական միջոցների ձեռքբերում	(205)	(3)
Հիմնական միջոցների օտարումից մուտքեր	28	-
Տրված փոխառություններ	(46)	(442)
Ստացված տոկոսային եկամուտ	51	32
<i>Ներդրումային գործունեության համար օգտագործված զուտ դրամական միջոցներ</i>	<u>(172)</u>	<u>(413)</u>
Ֆինանսավորման գործունեությունից դրամական միջոցների հոսքեր		
Վճարված շահաբաժիններ	(1,086)	(400)
<i>Ֆինանսավորման գործունեության համար օգտագործված զուտ դրամական միջոցներ</i>	<u>(1,086)</u>	<u>(400)</u>
Դրամարկղում և բանկերում մնացորդների զուտ աճ/(նվազում)	1,898	(2,848)
Արտարժույթի փոխարժեքի ազդեցությունը դրամական միջոցների վրա	(15)	12
Դրամական միջոցներ և դրանց համարժեքներ տարվա սկզբում	9,870	12,706
Դրամական միջոցներ և դրանց համարժեքներ տարվա վերջում (տե՛ս ծանոթագրություն 24)	<u>11,753</u>	<u>9,870</u>

Դրամական միջոցների հոսքերի մասին հաշվետվությունը պետք է ընթերցվի այս ֆինանսական հաշվետվությունների բաղկացուցիչ մասը կազմող 11-ից մինչև 37-րդ էջերում ներկայացված կից ծանոթագրությունների հետ մեկտեղ:



# Ֆինանսական հաշվետվություններին կից ծանոթագրություններ

## 1 Գործառնությունների բնույթը և ընդհանուր տեղեկատվություն

«Ռոսնեֆտ-Արմենիա» փակ բաժնետիրական ընկերությունը (այսուհետ՝ Ընկերություն) հիմնադրվել և գրանցվել է 2013թ. դեկտեմբերի 19-ին Հայաստանի Հանրապետությունում համաձայն ՀՀ օրենսդրության:

Մայր ընկերությունն է հանդիսանում է Լյուքսեմբուրգում հիմնադրված Ռոսնեֆտ Տեխնո Ս.Ա.-ն, որի գրանցման հասցեն է՝ 16, Ալե Մարկոնի, Լյուքսեմբուրգ 167491: Վերջնական մայր ընկերությունն է հանդիսանում «Նեֆտյանայա Կոմպանիա Ռոսնեֆտ» հանրային բաժնետիրական ընկերությունը, որը վերահսկվում է Ռուսաստանի Դաշնության կողմից, գրանցման հասցե՝ Ռուսաստանի Դաշնություն, 115035, ք. Մոսկվա, Սոֆիյսկայա Նաբերեժնայա 26/1:

Ընկերության գրանցման հասցեն է՝ ՀՀ, ք. Երևան, Գ. Լուսավորչի փող. 9, «Երևան Պլազա» բիզնես կենտրոն:

Ընկերության աշխատակիցների միջին թվաքանակը 2020թ. դեկտեմբերի 31-ի դրությամբ կազմել է 61 մարդ (2019թ. դեկտեմբերի 31-ի դրությամբ՝ 80 մարդ):

### Գործարար միջավայր

Հայաստանում իրականացվող քաղաքական և տնտեսական փոփոխությունները, ինչպես նաև իրավական, հարկային և օրենսդրական համակարգերի զարգացումը շարունակական բնույթ են կրում: Հայաստանի տնտեսության կայունությունը և զարգացումը մեծապես կախված է այս փոփոխություններից: Կառավարությունը հաստատել է արդյունավետ կառավարման իր հանձնառությունը, որը ենթադրում է հակակոռուպցիոն ջանքեր, թափանցիկություն և հաշվետվողականություն:

2020թ. մարտ ամսին Առողջապահության համաշխարհային կազմակերպությունը 2019թ. դեկտեմբեր ամսին Չինաստանում բռնկված կորոնավիրուսը (COVID-19) դասակարգեց որպես համավարակ: Կորոնավիրուսն արդեն իսկ էական ազդեցություն է ունեցել համաշխարհային տնտեսության և խոշոր ֆինանսական շուկաների վրա:

Հայաստանի Հանրապետության կառավարությունը և կենտրոնական բանկը տնտեսության վրա կորոնավիրուսի ազդեցությունը մեղմացնելու նպատակով իրականացնում են շարունակական միջոցառումներ: Ի թիվս այլ միջոցառումների, վերջիններս ներառում են նաև տուժած ճյուղերի և անհատների փոխառությունների սուբսիդավորում և վարկային «արձակուրդներ»:

Ընկերության ղեկավարությունը գտնում է, որ իրացվելիության ընթացիկ մակարդակը բավարար է կայուն գործունեության համար: Ընկերությունը պարբերաբար վերանայում է իր իրացվելիության մակարդակը և, անհրաժեշտության դեպքում, պատրաստ է կիրառել իրացվելիության աջակցության համապատասխան գործիքակազմ:

Իրավիճակը Հայաստանի Հանրապետությունում էլ ավելի է սրվել Ադրբեջանի կողմից սանձազերծված պատերազմի արդյուքում: Չնայած կնքված զինադադարի համաձայնագրին՝ դեռևս անորոշ են պատերազմի հետևանքները Հայաստանի տնտեսության վրա թե կարճաժամկետ, և թե երկարաժամկետ առումներով:

Վերոնշյալ իրադարձությունները կարող են հետագայում էական ազդեցություն ունենալ Ընկերության ապագա գործունեության և ֆինանսական կայունության վրա, որոնց ամբողջական հետևանքները դժվար է կանխատեսել ներկա պահին: Ապագա տնտեսական և քաղաքական իրավիճակը և վերջիններիս ազդեցությունը Ընկերության գործունեության վրա կարող են տարբերվել Ընկերության ղեկավարության ներկա սպասումներից:

Տվյալ ֆինանսական հաշվետվությունները չեն արտացոլում վերը նկարագրվածի հնարավոր ապագա ազդեցությունը Ընկերության գործունեության վրա:

## 2 Պատրաստման հիմքերը

### 2.1 Համապատասխանություն

Ֆինանսական հաշվետվությունները պատրաստվել են Ֆինանսական հաշվետվությունների միջազգային ստանդարտների (ՖՀՄՍ) համաձայն, ինչպես հրապարակվել է Հաշվապահական հաշվառման միջազգային ստանդարտների խորհրդի (ՀՀՄՍԽ) կողմից: Հաշվետվությունները պատրաստվել են՝ հիմնվելով այն գնահատման վրա, որ Ընկերությունն իր գործունեությունն իրականացնում է անընդհատության սկզբունքից ելնելով:

### 2.2 Չափման հիմքեր

Ֆինանսական հաշվետվությունները պատրաստվել են սկզբնական արժեքի սկզբունքով, բացառությամբ որոշ ֆինանսական գործիքների, որոնք ներկայացված են ապագա հոսքերի ներկա զեղչված արժեքով:

### 2.3 Գործառնական և ներկայացման արժույթ

Հայաստանի Հանրապետության ազգային արժույթը հայկական դրամն է (դրամ), սակայն ԱՄՆ դոլարն է հանդիսանում Ընկերության գործառնական արժույթը, քանի որ այն լավագույնս արտացոլում է ֆինանսական հաշվետվությունների հիմքում ընկած իրադարձությունների և Ընկերության գործարքների տնտեսական բովանդակությունը:

Սույն ֆինանսական հաշվետվությունները ներկայացված են ԱՄՆ դոլարով (եթե այլ բան նշված չէ), քանի որ, ղեկավարության համոզմամբ, այս արժույթն առավել օգտակար է Ընկերության ֆինանսական հաշվետվություններն օգտագործողների համար:

ԱՄՆ դոլարով ներկայացված ամբողջ ֆինանսական տեղեկատվությունը կլորացված է մինչև մոտակա հազար միավորը:

### 2.4 Գնահատումների և դատողությունների կիրառում

ՖՀՄՍ-ին համապատասխան ֆինանսական հաշվետվությունների պատրաստումը պահանջում է, որպեսզի Ընկերության ղեկավարությունը կարևոր գնահատումներ և ենթադրություններ կատարի, որոնք ազդեցություն են գործում ֆինանսական հաշվետվությունների ամսաթվի դրությամբ ակտիվների և պարտավորությունների գումարների, ինչպես նաև հաշվետու տարվա եկամուտների և ծախսերի գումարների վրա: Առավել մեծ դատողություն պահանջող և բարդություն ներկայացնող էական ոլորտները, կամ այն ոլորտները, որտեղ ենթադրություններն ու գնահատումներն էական են ֆինանսական հաշվետվությունների համար, բացահայտված են ֆինանսական հաշվետվություններին կից ծանոթագրություն 18-ում: Չնայած ենթադրությունները և դատողությունները շարունակաբար գնահատվում են և հիմնված են ղեկավարության կողմից ներկա ցուցանիշների վերաբերյալ տեղեկացված լինելու վրա, այդ հաշվապահական գնահատականները, երբեմն կարող են չհամապատասխանել իրական արդյունքներին: Հետևաբար, կատարված ենթադրությունները և դատողությունները համապատասխանաբար կճշգրտվեն այն տարում, որում պայմանները կփոխվեն:



## 2.5 Նոր և վերանայված ստանդարտների ընդունում

Ընթացիկ տարում Ընկերությունն ընդունել է իր գործունեության համար կիրառելի և 2020թ. հունվարի 1-ից սկսվող ժամանակաշրջանների համար ուժի մեջ մտած բոլոր նոր և վերանայված ստանդարտները և մեկնաբանությունները, որոնք հրապարակվել են Հաշվապահական հաշվառման միջազգային ստանդարտների խորհրդի (ՀՀՄՍԽ) և ՀՀՄՍԽ-ի Մեկնաբանման կոմիտեի (ՄԿ) կողմից:

Նշված փոփոխությունների բնույթը և ազդեցությունը բացահայտված են ստորև:

### **Նոր և վերանայված ստանդարտներ և մեկնաբանություններ, որոնք կիրառելի են 2020թ. հունվարի 1-ից և դրանից հետո սկսվող տարեկան ժամանակաշրջանների համար**

Ներքոհիշյալ այլ ստանդարտներն ու փոփոխությունները, որոնք առաջին անգամ կիրառվել են 2020թ.Ձ, որևէ էական ազդեցություն չեն ունեցել Ընկերության ֆինանսական հաշվետվությունների վրա:

- Ֆինանսական հաշվետվությունների հայեցակարգային հիմունքները,
- «Ձեռնարկատիրական գործունեության միավորումներ» (ՖՀՄՍ 3 փոփոխություններ),
- «Էականության սահմանումը» (ՀՀՄՍ 1 և ՀՀՄՍ 8 փոփոխություններ),
- «Ուղենշային տրոստադրույքի բարեփոխում» (ՖՀՄՍ 9 և ՖՀՄՍ 7 փոփոխություններ),
- «COVID-19-ի հետ կապված վարձակալության արտոնություններ» (ՖՀՄՍ 16 փոփոխություններ)

### **Ստանդարտներ, փոփոխություններ և մեկնաբանություններ գործող ստանդարտների վերաբերյալ, որոնք դեռևս չեն գործում և նախօրոք չեն ներդրվել Ընկերության կողմից**

Այս ֆինանսական հաշվետվությունների հաստատման ամսաթվի դրությամբ Հաշվապահական հաշվառման միջազգային ստանդարտների խորհրդի (ՀՀՄՍԽ) կողմից թողարկվել են որոշակի նոր ստանդարտներ, փոփոխություններ և մեկնաբանություններ գործող ստանդարտների վերաբերյալ, որոնք սակայն դեռևս չեն գործում և նախօրոք չեն ներդրվել Ընկերության կողմից:

Ղեկավարությունը կանխատեսում է, որ բոլոր կիրառելի հրապարակումները կներդրվեն Ընկերության հաշվապահական հաշվառման քաղաքականությունում սկսած հրապարակման ուժի մեջ մտնելու ամսաթվին հաջորդող առաջին իսկ ժամանակաշրջանից:

Ղեկավարության կանխատեսմամբ այս փոփոխությունները էական ազդեցություն չեն ունենա Ընկերության ֆինանսական հաշվետվությունների վրա և ներկայացված են ստորև.

- «Ուղենշային տրոստադրույքի բարեփոխում (փուլ 2)» (ՖՀՄՍ 9, ՀՀՄՍ 39, ՖՀՄՍ 16, ՖՀՄՍ 4 և ՖՀՄՍ 7 փոփոխություններ)
- ՖՀՄՍ 17 «Ապահովագրության պայմանագրեր»
- «Մուրքեր նախքան նախատեսված օգտագործումը» (ՀՀՄՍ 16 փոփոխություններ)
- «Հղումներ հայեցակարգային հիմունքներին» (ՖՀՄՍ 3 փոփոխություններ)
- Ծանր պայմանագրեր. Պայմանագրի կատարման ծախսեր (ՀՀՄՍ 37 փոփոխություններ)
- 2018-2020թթ. ՖՀՄՍ-ների տարեկան բարեփոխումներ-(ՖՀՄՍ 1, ՖՀՄՍ 9, ՀՀՄՍ 41, ՖՀՄՍ 16 փոփոխություններ):
- «Պարտավորությունների դասակարգումը որպես ընթացիկ կամ ոչ ընթացիկ» (ՀՀՄՍ 1 փոփոխություններ)



### 3 Հաշվապահական հաշվառման քաղաքականություն

#### 3.1 Արտարժույթ

##### *Արտարժույթով գործարքներ*

Ֆինանսական հաշվետվություններ պատրաստելիս Ընկերության համար գործառնական արժույթից տարբեր այլ արժույթով իրականացված գործարքները գրանցվում են գործարքի օրվա դրությամբ Հայաստանի Հանրապետության Կենտրոնական բանկի (ՀՀ ԿԲ) կողմից հրապարակված փոխարժեքով: Յուրաքանչյուր հաշվետու ամսաթվի դրությամբ արտարժույթով դրամային հոդվածները վերահաշվարկվում են՝ կիրառելով հաշվետու ամսաթվի դրությամբ ՀՀ ԿԲ-ի կողմից հրապարակված փոխարժեքը. 2020թ. դեկտեմբերի 31-ի դրությամբ 1 ՀՀ դրամը կազմում էր 0.002 ԱՄՆ դոլար, 1 եվրոն՝ 1.227 ԱՄՆ դոլար (2019թ. դեկտեմբերի 31-ի դրությամբ 1 դրամը կազմում էր 0.002 ԱՄՆ դոլար, 1 եվրոն՝ 1.120 ԱՄՆ դոլար): Ոչ դրամային հոդվածները չեն վերահաշվարկվում և չափվում են պատմական արժեքով (հաշվարկվում են՝ օգտագործելով գործարքի օրվա դրությամբ գործող փոխարժեքը), բացառությամբ իրական արժեքով հաշվառվող և արտարժույթով արտահայտված ոչ դրամային հոդվածների, որոնք վերահաշվարկվում են իրական արժեքի չափման օրվա դրությամբ գործող փոխարժեքով:

Արտարժույթով գործարքներից, ինչպես նաև արտարժույթով արտահայտված դրամային հոդվածների վերահաշվարկումից առաջացած փոխարժեքային տարբերությունները ճանաչվում են ժամանակաշրջանի շահույթում կամ վնասում:

#### 3.2 Հիմնական միջոցներ

Հիմնական միջոցները հաշվառվում են սկզբնական արժեքով՝ հանած կուտակված մաշվածությունը և արժեզրկումից կորուստները: Սկզբնական արժեքը ներառում է ձեռքբերման գինը, ներկրման տուրքերը, հարկերը, որոնք ենթակա չեն վերադարձման և ուղղակիորեն վերագրվող ծախսումներ: Երբ հիմնական միջոցների միավորը բաղկացած է տարբեր օգտակար ծառայության ժամկետ ունեցող խոշոր բաղկացուցիչներից, դրանք հաշվառվում են որպես հիմնական միջոցի առանձին միավորներ:

Հիմնական միջոցի օտարման կամ դուրսգրման հետևանքով առաջացած օգուտը կամ վնասը որոշվում է վաճառքից հասույթի և ակտիվի հաշվեկշռային արժեքի տարբերությամբ և ճանաչվում է շահույթի կամ վնասի և այլ համապարփակ ֆինանսական արդյունքի մասին հաշվետվությունում:

Հիմնական միջոցի՝ որպես առանձին ակտիվ հաշվառվող միավորի բաղկացուցիչ փոխարինման ծախսումները կապիտալացվում են դուրս գրված բաղկացուցիչ հաշվեկշռային արժեքի հետ: Այլ հետագա ծախսումները կապիտալացվում են միայն այն ժամանակ, երբ դրանք ավելացնում են հիմնական միջոցի միավորի հետ կապված ապագա տնտեսական օգուտները: Բոլոր այլ ծախսումները, ներառյալ պահպանման և վերանորոգման ծախսումները, ճանաչվում են շահույթի կամ վնասի և այլ համապարփակ ֆինանսական արդյունքի մասին հաշվետվությունում:

Յուրաքանչյուր հաշվետու ամսաթվի դրությամբ Ընկերության ղեկավարությունը որոշում է հիմնական միջոցների արժեզրկման հայտանիշի առկայությունը: Եթե հայտնաբերվում է առնվազն մեկ հայտանիշ, ղեկավարությունը գնահատում է հիմնական միջոցների փոխհատուցվող գումարը, որը որոշվում է որպես ակտիվի իրական արժեքից՝ հանած իրացման ծախսեր և օգտագործման արժեքից առավելագույնը: Ակտիվի հաշվեկշռային արժեքը նվազեցվում է մինչև փոխհատուցվող գումարը, իսկ արժեզրկումից կորուստը ճանաչվում է շահույթի կամ վնասի և այլ համապարփակ ֆինանսական արդյունքի մասին հաշվետվությունում նախկինում ճանաչված սեփական կապիտալում որպես վերագնահատումից արժեքի աճ:

Մաշվածությունը ճանաչվում է շահույթում կամ վնասում կամ ավելացվում է այլ ակտիվի սկզբնական արժեքին՝ կիրառելով գծային մեթոդը հիմնական միջոցի օգտակար ծառայության գնահատված ժամկետի ընթացքում: Մաշվածության հաշվարկը սկսվում է այն պահից, երբ ակտիվը դառնում է մատչելի՝ իր նպատակային նշանակությամբ օգտագործելու համար: Հիմնական միջոցների գնահատված օգտակար ծառայության ժամկետները ներկայացված են ստորև.

Համակարգչային տեխնիկա	- 2-5 տարի
Տրանսպորտային միջոցներ	- 6-10 տարի
Գրասենյակային պարագաներ	- 5-10 տարի
Այլ	- 5 տարի:

### 3.3 Ոչ նյութական ակտիվներ

Ոչ նյութական ակտիվները, որոնք ձեռք են բերվել Ընկերության կողմից և ունեն օգտակար ծառայության որոշակի ժամկետ, ներկայացված են սկզբնական արժեքով՝ հանած կուտակված ամորտիզացիան և արժեզրկումից կորուստները:

Ամորտիզացիան ճանաչվում է շահույթում կամ վնասում կամ ավելացվում է այլ ակտիվի սկզբնական արժեքին՝ կիրառելով գծային մեթոդը ոչ նյութական ակտիվի օգտակար ծառայության գնահատված ժամկետի ընթացքում, որը կազմում է 1-10 տարի:

### 3.4 Պաշարներ

Պաշարները հաշվառվում են ինքնարժեքից և իրացման զուտ արժեքից նվազագույնով: Իրացման զուտ արժեքը սովորական գործունեության ընթացքում վաճառքի ձևավորվող գինն է՝ հանած համալրման և վաճառքը կազմակերպելու համար անհրաժեշտ ծախսումները: Պաշարների ինքնարժեքը հաշվարկվում է օգտագործելով միջին կշռված մեթոդը, և ներառում է պաշարների ձեռքբերման, ինչպես նաև դրանք իրենց ներկայիս վիճակին և գտնվելու վայր հասցնելու ծախսերը:

### 3.5 Ֆինանսական գործիքներ

#### *Ճանաչում և ապաճանաչում*

Ֆինանսական ակտիվները և ֆինանսական պարտավորությունները ճանաչվում են, երբ Ընկերությունը դառնում է ֆինանսական գործիքի պայմանագրային կողմ:

Ֆինանսական ակտիվներն ապաճանաչվում են, երբ լրանում են ֆինանսական ակտիվից ակնկալվող դրամական հոսքերի նկատմամբ պայմանագրային իրավունքները, կամ այն ժամանակ, երբ ֆինանսական ակտիվները բոլոր նշանակալից ռիսկերով ու հատուցումներով փոխանցվում են երրորդ կողմին:

Ֆինանսական պարտավորությունները ապաճանաչվում են, երբ դրանք մարվում են, վճարման ենթակա չեն, չեղյալ են ճանաչվել կամ լրացել է դրանց ուժի մեջ լինելու ժամկետը:

#### *Ֆինանսական ակտիվների դասակարգումը և սկզբնական չափումը*

Բոլոր ֆինանսական ակտիվները սկզբնապես չափվում են իրական արժեքով՝ գումարած գործարքի հետ կապված ծախսումները, բացառությամբ այն առևտրային դեբիտորական պարտքերի, որոնք չեն պարունակում էական ֆինանսական բաղադրիչ և չափվում են գործարքի գնով՝ ՖՀՄՄ 15-ի պահանջներին համապատասխան:



Ֆինանսական ակտիվները, բացառությամբ հեջավորման գործիքների բաժանվում են հետևյալ կատեգորիաների.

- ամորտիզացված արժեքով հաշվառվող,
- իրական արժեքով չափվող՝ շահույթի կամ վնասի միջոցով,
- իրական արժեքով չափվող՝ այլ համապարփակ արդյունքի միջոցով:

Դասակարգումը բնորոշվում է հետևյալ երկու պարագայով.

- Ընկերության ֆինանսական ակտիվների կառավարման բիզնես մոդելը,
- Ֆինանսական ակտիվի՝ պայմանագրային դրամական հոսքերի հատկանիշները:

Ֆինանսական ակտիվներին առնչվող ամբողջ եկամուտը և ծախսերը, որոնք ճանաչվում են շահույթում կամ վնասում, արտացոլված են ֆինանսական ծախսերում, ֆինանսական եկամուտում կամ այլ ֆինանսական արդյունքներում, բացառությամբ առևտրային դեբիտորական պարտքերի արժեզրկման, որը արտացոլված է այլ ծախսերում: Ընկերության ֆինանսական ակտիվները, ըստ կատեգորիաների ներկայացված են ծանոթագրություն 19-ում:

### *Ֆինանսական ակտիվների հետագա չափումը*

#### *Ամորտիզացված արժեքով չափվող ֆինանսական ակտիվներ*

Ֆինանսական ակտիվները հաշվառվում են ամորտիզացված արժեքով, եթե ակտիվները բավարարում են հետևյալ պայմաններին (և դասակարգված չեն որպես իրական արժեքով չափվող՝ շահույթի կամ վնասի միջոցով).

դրանք պահվում են այն բիզնես մոդելի շրջանակներում, որի նպատակն է պահել ֆինանսական ակտիվները և հավաքագրել դրանց հետ կապված պայմանագրային դրամական հոսքերը,

ֆինանսական ակտիվների պայմանագրային պայմաններն առաջացնում են դրամական հոսքեր, որոնք հանդիսանում են միայն մայր գումարի և չմարված մայր գումարի վրա հաշվարկված տոկոսների վճարումներ:

Սկզբնական ճանաչումից հետո այս ակտիվները չափվում են ամորտիզացված արժեքով՝ կիրառելով արդյունավետ տոկոսադրույքի մեթոդը: Այն դեպքերում, երբ զեղչման ազդեցությունը աննշան է, զեղչում չի կատարվում: Ֆինանսական գործիքների այս կատեգորիայում են դասակարգվում Ընկերության դրամական միջոցները և դրանց համարժեքները, առևտրային դեբիտորական պարտքերը և այլ դեբիտորական պարտքերի մեծամասնությունը:

#### *Ֆինանսական ակտիվներ՝ չափվող իրական արժեքով՝ շահույթի կամ վնասի միջոցով*

Ֆինանսական ակտիվները, որոնք պահվում են «հավաքագրման համար պահվող» կամ «հավաքագրման և վաճառքի համար պահվող» բիզնես մոդելներից տարբեր մոդելի շրջանակներում, դասակարգվում են որպես իրական արժեքով չափվող՝ շահույթի կամ վնասի միջոցով: հետագայում, անկախ բիզնես մոդելից, բոլոր այն ֆինանսական ակտիվները, որոնց պայմանագրային դրամական հոսքերը չեն հանդիսանում միայն մայր գումարի և հաշվարկված տոկոսի մարում, հաշվառվում են իրական արժեքով՝ շահույթի կամ վնասի միջոցով: Բոլոր ածանցյալ ֆինանսական գործիքները դասակարգվում են այս կատեգորիայում, բացառությամբ հեջավորման գործիքների, որոնց համար գործում են հեջավորման հաշվառմանը ներկայացվող պահանջները:

Այս կատեգորիայում դասակարգված ակտիվները չափվում են իրական արժեքով՝ օգուտը կամ կորուստները ճանաչելով շահույթում կամ վնասում: Այս կատեգորիայում դասակարգված ֆինանսական ակտիվների իրական արժեքը որոշվում է գործող շուկայի գործարքներին հղում կատարելով կամ, այն պարագայում, երբ առկա չէ գործող շուկա՝ կիրառելով գնահատման մեթոդ:



### *Ֆինանսական ակտիվների արժեզրկում*

Ակնկալվող պարտքային կորուստները ճանաչելու համար ՖՀՄՍ 9-ում արժեզրկմանը ներկայացված պահանջներում օգտագործվում է ապագային առնչվող տեղեկատվություն՝ «Ակնկալվող պարտքային կորուստների մոդելը»: ՖՀՄՍ 9-ի պահանջների շրջանակներում ընդգրկվող գործիքները ներառում են տրված վարկերը և փոխառային տիպի այլ ֆինանսական ակտիվները, որոնք չափվում են ամորտիզացված արժեքով և իրական արժեքով՝ այլ համապարփակ արդյունքում, առևտրային դեբիտորական պարտքերը, պայմանագրային ակտիվները որոնք ճանաչվել և չափվել են ՖՀՄՍ 15-ի համաձայն և վարկային պարտավորությունները և որոշ ֆինանսական երաշխավորության պայմանագրերը (թողարկողի համար), որոնք չեն չափվում իրական արժեքով՝ շահույթում կամ վնասում:

Պարտքային կորուստների ճանաչումը այլևս կախված չէ Ընկերության՝ պարտքային կորուստը բնորոշող իրադարձության սկզբնական բացահայտումից: Փոխարենը, պարտքային ռիսկը գնահատելիս և ակնկալվող պարտքային կորուստները չափելիս Ընկերությունը դիտարկում է տեղեկատվության ավելի ընդլայնված զանգված՝ ներառյալ անցյալ իրադարձությունները, ընթացիկ պայմանները, խելամիտ և հիմնավորված կանխատեսումները, որոնք ազդեցություն ունեն գործիքի ապագա դրամական հոսքերի ակնկալվող հավաքագրելիության վրա:

Առաջընթաց գնահատման մոտեցումը կիրառելիս առանձնացվում են հետևյալները.

ֆինանսական գործիքներ, որոնց պարտքային որակները սկզբնական ճանաչումից հետո էականորեն չեն վատթարացել կամ ունեն ցածր պարտքային ռիսկ («Փուլ 1») և

ֆինանսական գործիքներ, որոնց պարտքային որակները սկզբնական ճանաչումից հետո էականորեն վատթարացել են և որոնց պարտքային ռիսկը ցածր չէ («Փուլ 2»):

«Փուլ 3»-ը ընդգրկում է այն ֆինանսական ակտիվները, որոնց մասով հաշվետու ամսաթվի դրությամբ առկա են արժեզրկման օբյեկտիվ ապացույցներ:

Առաջին դասի ակտիվների համար ճանաչվում են «12-ամսյա ակնկալվող պարտքային կորուստները», մինչդեռ «գործողության ամբողջ ժամանակահատվածի ընթացքում ակնկալվող պարտքային կորուստները» ճանաչվում են երկրորդ դասի ակտիվների համար: Ակնկալվող պարտքային կորուստների չափումը որոշվում է ֆինանսական գործիքի ակնկալվող գործողության ժամկետի պարտքային կորուստների հավանականության միջին կշռված գնահատումով:

### *Առևտրային և այլ կրեդիտորական պարտքեր*

Առևտրային և այլ կրեդիտորական պարտքերը ճանաչվում են իրական արժեքով, հետագայում չափվում են ամորտիզացված արժեքով:

## 3.6 Դրամական միջոցներ

Մնացորդները դրամարկղում և բանկերում ներառում են կանխիկ միջոցները, բանկային հաշիվների մնացորդները:

Դրամական միջոցների հոսքերի մասին հաշվետվության նպատակով՝ դրամական միջոցների համարժեքները կարճաժամկետ, բարձր իրացվելի ներդրումներն են, որոնք հեշտ փոխարկվում են դրամական միջոցների՝ նախապես հայտնի գումարներով, և որոնց արժեքի փոփոխման ռիսկը նշանակալի չէ: Դրամական միջոցների համարժեքները պահվում են կարճաժամկետ դրամական պարտավորությունները բավարարելու նպատակով, այլ ոչ թե ներդրման կամ այլ նպատակներով: Ընկերությունը դասակարգում է ներդրումները որպես դրամական միջոցների համարժեքներ այն դեպքում, եթե դրանք հեշտ փոխարկվում են դրամական միջոցների՝ նախապես հայտնի գումարներով, և որոնց արժեքի փոփոխման ռիսկը նշանակալի չէ:

### 3.7 Սեփական կապիտալ

Բաժնետիրական կապիտալն իրենից ներկայացնում է թողարկված բաժնետոմսերի նոմինալ արժեքը:

Զբաղխված շահույթը ներառում է ընթացիկ և նախորդ ժամանակաշրջանների չբաղխված շահույթը:

Շահաբաժինները ճանաչվում են որպես պարտավորություն այն ժամանակաշրջանում, երբ դրանք հայտարարվում են:

### 3.8 Շահութահարկ

Ընթացիկ շահութահարկը տարվա համար հարկվող շահույթից վճարվելիք հարկն է՝ հաշվետու ամսաթվին գործող կամ ըստ էության գործող հարկային դրույքաչափերով՝ հաշվի առնելով նախորդ տարիների համար վճարվելիք հարկերի ճշգրտումները:

Հետաձգված հարկը հաշվարկվում է ակտիվների ու պարտավորությունների հաշվեկշռային արժեքների և շահութահարկի հաշվարկման ժամանակ օգտագործվող համապատասխան հարկային բազաների միջև ժամանակավոր տարբերություններից: Հետաձգված հարկային պարտավորությունները ճանաչվում են բոլոր հարկվող ժամանակավոր տարբերությունների համար: Հետաձգված հարկային ակտիվները պետք է ճանաչվեն բոլոր նվազեցվող ժամանակավոր տարբերությունների համար այն չափով, որքանով որ հավանական է հարկվող շահույթի ստացում, որի դիմաց կարող է օգտագործվել նվազեցվող ժամանակավոր տարբերությունը:

Հետաձգված հարկային ակտիվների հաշվեկշռային արժեքը վերանայվում է յուրաքանչյուր հաշվետու ժամանակաշրջանի վերջում և նվազեցվում է այն չափով, որով այլևս հավանական չէ, որ Ընկերությունը կստանա բավարար հարկվող շահույթ, որը թույլ կտա հետաձգված հարկային ակտիվից օգուտն ամբողջությամբ կամ մասամբ իրացնել:

Հետաձգված հարկային ակտիվներն ու պարտավորությունները չափվում են հարկերի այն դրույքների օգտագործմամբ, որոնց կիրառման մեջ լինելն ակնկալվում է ակտիվի իրացման կամ պարտավորության մարման ժամանակ՝ հիմք ընդունելով հարկերի այն դրույքները (և հարկային հարաբերություններ կարգավորող նորմատիվ իրավական ակտերը), որոնք ուժի մեջ են եղել կամ ըստ էության ուժի մեջ են եղել հաշվետու ժամանակաշրջանի վերջում: Հետաձգված հարկային պարտավորությունների և հետաձգված հարկային ակտիվների չափումն արտացոլում է հարկային հետևանքները, որոնք երևան են գալու կախված այն եղանակից, որով Ընկերությունը հաշվետու ամսաթվի դրությամբ ակնկալում է փոխհատուցել կամ մարել իր ակտիվների կամ պարտավորությունների հաշվեկշռային արժեքները:

### 3.9 Հատուցումներ աշխատակիցներին

Կարճաժամկետ հատուցումներն աշխատակիցներին այն հատուցումներն են, որոնք ենթակա են մարման ամբողջությամբ տարեկան այն հաշվետու ժամանակաշրջանի ավարտից հետո տասներկու ամսվա ընթացքում, որում աշխատակիցները մատուցել են համապատասխան ծառայությունները: Դրանք ներառում են՝

- (ա) աշխատավարձերը և պարգևավճարները,
- (բ) վճարովի տարեկան արձակուրդները և անաշխատունակության հետ կապված վճարովի արձակուրդները,

#### *Վճարովի բացակայություններ*

Վճարովի բացակայությունների ձևով աշխատակիցների կարճաժամկետ հատուցումների գծով ակնկալվող ծախսումները ճանաչվում են հետևյալ կերպ.



- (ա) կուտակվող վճարովի բացակայությունների դեպքում՝ այն ժամանակ, երբ աշխատակիցները ծառայություն են մատուցում, որն ավելացնում է իրենց իրավունքներն ապագա վճարովի բացակայությունների նկատմամբ,
- (բ) չկուտակվող վճարովի բացակայությունների դեպքում՝ այն ժամանակ, երբ բացակայությունը տեղի է ունենում:

### *Պարգևավճարներ*

Պարգևավճարների գծով ակնկալվող ծախսումները ճանաչվում են միայն այն ժամանակ, երբ Ընկերությունն ունի այդպիսի վճարումներ կատարելու ներկա իրավական կամ կառուցողական պարտականություն՝ որպես անցյալ դեպքերի արդյունք, և պարտականությունը հնարավոր է արժանահավատորեն գնահատել:

Ներկա պարտականություն գոյություն ունի այն և միայն այն դեպքում, երբ Ընկերությունը վճարում չկատարելու ոչ մի իրատեսական այլընտրանք չունի:

### 3.10 Հասույթ

Հասույթը չափվում է ստացված կամ ստացվելիք հատուցման իրական արժեքով՝ հաշվի առնելով Ընկերության կողմից տրամադրված ցանկացած առևտրական զեղչերը և իջեցումների գումարները:

Հասույթից նվազեցվում են հաճախորդների կողմից վերադարձվելիք ապրանքների գնահատված գումարը, գնահատված իջեցումները և նմանատիպ այլ նվազեցումներ:

Որոշելու համար, թե արդյոք անհրաժեշտ է ճանաչել հասույթ, թե ոչ, Ընկերությունն առաջնորդվում է 5-քայլի գործընթացով.

- 1 Բացահայտել հաճախորդի հետ պայմանագիրը
- 2 Բացահայտել կատարման պարտականությունները
- 3 Որոշել գործարքի գինը
- 4 Բաշխել գործարքի գինը կատարման պարտականությունների միջև
- 5 Ճանաչել հասույթը, երբ կատարման պարտականությունները բավարարված են

Հասույթը ճանաչվում է կամ ժամանակի մեջ որևէ պահին կամ ժամանակի ընթացքում, երբ Ընկերությունը բավարարում է կատարման իր պարտականությունը՝ հաճախորդին փոխանցելով խոստացված ապրանքը կամ ծառայությունը:

Ընկերությունը ճանաչում է դեռևս չբավարարված կատարման պարտականությունների համար ստացված հատուցման դիմաց պայմանագրային պարտավորությունները և արտացոլում է այդ գումարները ֆինանսական արդյունքների մասին հաշվետվությունում որպես հաճախորդներից ստացված կանխավճարներ: Նման ձևով, եթե Ընկերությունը բավարարում է կատարման պարտականությունը միջև հատուցման ստանալը, Ընկերությունը ֆինանսական արդյունքների մասին հաշվետվությունում ճանաչում է կամ պայմանագրային ակտիվ, կամ դեբիտորական պարտք՝ կախված նրանից, թե արդյոք հատուցման ժամկետը լրանալուց առաջ անհրաժեշտ է միայն որոշակի ժամանակ, թե այլ լրացուցիչ պայման:

### *Վառելանյութի վաճառքից հասույթ*

Վառելանյութի վաճառքից հասույթը ճանաչվում է Հայաստանի Հանրապետության տարածքից դուրս, երբ Ընկերությունն ապրանքները հանձնում է գնորդին:



### *Տոկոսներից եկամուտ*

Տոկոսային եկամուտը ճանաչվում է համամասնության հիմունքով՝ մնացորդային արժեքի նկատմամբ կիրառելով արդյունավետ տոկոսադրույքը, որը զեղչում է ակնկալվող ապագա դրամական միջոցների ներհոսքերը ֆինանսական ակտիվի ակնկալվող ժամկետում՝ մինչև ակտիվի զուտ հաշվեկշռային արժեքը:

## 4 Հիմնական միջոցներ

Հազար ԱՄՆ դոլար

	Համակարգ- չային տեխնիկա	Տրանսպոր- տային միջոցներ	Գրասենյա- կային պարագա- ներ և այլ	Կառուցման ընթացքում գտնվող հիմնական միջոցներ	Ընդամենը
<i>Սկզբնական արժեք</i>					
2019թ. հունվարի 1-ի դրությամբ	73	459	231	342	1,105
Ավելացում	1	-	2	-	3
2019թ. դեկտեմբերի 31-ի դրությամբ	74	459	233	342	1,108
Ավելացում	4	149	52	-	205
Օտարում	-	(69)	(27)	-	(96)
2020թ. դեկտեմբերի 31-ի դրությամբ	78	539	258	342	1,217
<i>Կուրսակված մաշվածություն</i>					
2019թ. հունվարի 1-ի դրությամբ	66	188	175	-	429
Տարվա հաշվարկ	4	46	39	-	89
2019թ. դեկտեմբերի 31-ի դրությամբ	70	234	214	-	518
Տարվա հաշվարկ	2	58	21	-	81
Օտարման հետևանքով դուրս գրված	-	(42)	(26)	-	(68)
2020թ. դեկտեմբերի 31-ի դրությամբ	72	250	209	-	531
<i>Հաշվեկշռային արժեք</i>					
2019թ. դեկտեմբերի 31-ի դրությամբ	4	225	19	342	590
2020թ. դեկտեմբերի 31-ի դրությամբ	6	289	49	342	686

Հաշվետու ամսաթվերի դրությամբ Ընկերությունը գրավադրված հիմնական միջոցներ չունի:

2020թ. դեկտեմբերի 31-ի դրությամբ 238 հազար ԱՄՆ դոլար (2019թ. դեկտեմբերի 31-ի դրությամբ՝ 223 հազար ԱՄՆ դոլար) սկզբնական արժեքով հիմնական միջոցներ հաշվառվում են զրոյական հաշվեկշռային արժեքով:

Մաշվածության գծով ծախսը ներառվել է «Վարչական ծախսեր» հոդվածում:

## 5 Հետաձգված հարկեր

Հետաձգված հարկերի շարժը ներկայացված է ստորև.

Հազար ԱՄՆ դոլար

	2020թ.	2019թ.
Տարեսկզբի մնացորդ	258	87
Շահույթում կամ վնասում ճանաչված (ծախս)/փոխհատուցում (տե՛ս ծանոթագրություն 17)	(119)	171
Տարեվերջի մնացորդ	139	258

2020թ. դեկտեմբերի 31-ին ավարտված տարվա հետաձգված հարկերը խմբավորված են հետևյալ կերպ.

Հազար ԱՄՆ դոլար	1 հունվարի 2020թ.	Շահույթում կամ վնասում ճանաչված	31 դեկտեմբերի 2020թ.
<i>Հետաձգված հարկային ակտիվներ</i>			
Արձակուրդի և պարգևատրումների գծով պարտավորություն	208	(126)	82
Տրված փոխառություններ	62	1	63
	<u>270</u>	<u>(125)</u>	<u>145</u>
Հիմնական միջոցներ	12	(6)	6
	<u>12</u>	<u>(6)</u>	<u>6</u>
Զուտ արդյունք - հետաձգված հարկային ակտիվներ	<u>258</u>	<u>(119)</u>	<u>139</u>

2019թ. դեկտեմբերի 31-ին ավարտված տարվա հետաձգված հարկերը խմբավորված են հետևյալ կերպ.

Հազար ԱՄՆ դոլար	1 հունվարի 2019թ.	Շահույթում կամ վնասում ճանաչված	31 դեկտեմբերի 2019թ.
<i>Հետաձգված հարկային ակտիվներ</i>			
Արձակուրդի և պարգևատրումների գծով պարտավորություն	75	133	208
Տրված փոխառություններ	31	31	62
	<u>106</u>	<u>164</u>	<u>270</u>
Հիմնական միջոցներ	18	(6)	12
Ակտիվներին վերաբերող շնորհներ	1	(1)	-
	<u>19</u>	<u>(7)</u>	<u>12</u>
Զուտ արդյունք - հետաձգված հարկային ակտիվներ	<u>87</u>	<u>171</u>	<u>258</u>

**Հարկային դրույքաչափերի փոփոխություններ և հեղափոխված հարկային ծախսերի վրա ազդող գործոններ**

2019թ. ընթացքում Հայաստանի Հանրապետության հարկային օրենսդրությունում տեղի ունեցած փոփոխությունների արդյունքում 2020թ. հունվարի 1-ից շահութահարկի դրույքաչափը 20%-ից նվազել է 18%-ի: Համապատասխանաբար, 2020թ. դեկտեմբերի 31-ի և 2019թ. դեկտեմբերի 31-ի դրությամբ հետաձգված հարկի մնացորդները ճանաչվել են՝ կիրառելով 18% դրույքը:



## 6 Տրված փոխառություններ

Հազար ԱՄՆ դոլար	2020թ. դեկտեմբերի 31-ի դրությամբ	2019թ. դեկտեմբերի 31-ի դրությամբ
Անվանական արժեք	1,342	1,439
Ակնկալվող պարտքային կորուստ	(352)	(343)
	<u>990</u>	<u>1,096</u>

Տրված փոխառությունների հաշվեկշռային արժեքների շարժը ներկայացված է ստորև՝

Հազար ԱՄՆ դոլար	2020թ.	2019թ.
Տարեսկզբի մնացորդ	1,096	636
Տարվա ընթացքում ավելացում	46	441
Ֆինանսական եկամուտ	109	87
Արժեզրկման պահուստի գծով ծախս	(9)	(190)
Փոխարժեքային տարբերությունից օգուտ/(վնաս), զուտ	(252)	122
Տարեվերջի մնացորդ	<u>990</u>	<u>1,096</u>

2020թ. ընթացքում Ընկերությունը 32 հազար ԱՄՆ դոլար (2,000 հազար ռուբլի) փոխառություն է տրամադրել կապակցված կողմ հանդիսացող «ՌՆ-Երևան» ՍՊԸ-ին՝ համաձայն 2019թ. հոկտեմբերի 10-ին կողմերի միջև կնքված պայմանագրի: Փոխառությունը տրամադրվել է տարեկան 8.5% տոկոսադրույքով և մինչև 2020թ. դեկտեմբերի 31-ը մարման ժամկետով: Հաշվեգրված տոկոսները ենթակա են վճարման մայր գումարի մարման ժամանակ: Հաշվետու ամսաթվի դրությամբ հաշվեգրված տոկոսները կազմում են 36 հազար ԱՄՆ դոլար (2,657 հազար ռուբլի):

2020թ. ընթացքում Ընկերությունը 14 հազար ԱՄՆ դոլար (1,050 հազար ռուբլի) փոխառություն է տրամադրել նույն կազմակերպությանը՝ համաձայն 2020թ. հոկտեմբերի 29-ին կողմերի միջև կնքված պայմանագրի: Փոխառությունը տրամադրվել է տարեկան 6.9% տոկոսադրույքով և մինչև 2020թ. դեկտեմբերի 31-ը մարման ժամկետով: Հաշվեգրված տոկոսները ենթակա են վճարման մայր գումարի մարման ժամանակ: Հաշվետու ամսաթվի դրությամբ հաշվեգրված տոկոսները կազմում են 103 ԱՄՆ դոլար (8 հազար ռուբլի):

Տրված փոխառությունների գծով պահուստի շարժը ներկայացված է ստորև.

Հազար ԱՄՆ դոլար	2020թ.	2019թ.
Տարեսկզբի մնացորդ	343	153
Տարվա ընթացքում պահուստի աճ	9	190
Տարեվերջի մնացորդ	<u>352</u>	<u>343</u>

## 7 Պաշարներ

Հազար ԱՄՆ դոլար	2020թ. դեկտեմբերի 31-ի դրությամբ	2019թ. դեկտեմբերի 31-ի դրությամբ
Գուղրոն	450	450
Այլ	9	3
	<u>459</u>	<u>453</u>

Ակնկալվում է, որ 450 հազար ԱՄՆ դոլար հաշվեկշռային արժեքով պաշարները (2019թ.՝ 450 հազար ԱՄՆ դոլար) կփոխհատուցվեն ավելի քան տասներկու ամսվա ընթացքում: Պաշարները գրավադրված չեն:

## 8 Առևտրային և այլ դեբիտորական պարտքեր

Հազար ԱՄՆ դոլար	2020թ. դեկտեմբերի 31-ի դրությամբ	2019թ. դեկտեմբերի 31-ի դրությամբ
Առևտրային դեբիտորական պարտքեր	6,292	11,107
Պետական բյուջեից դեբիտորական պարտքեր	15	214
Տրված կանխավճարներ	4	2
	<u>6,311</u>	<u>11,323</u>

Բոլոր գումարները կարճաժամկետ են: Առևտրային դեբիտորական պարտքերի զուտ հաշվեկշռային արժեքը համարվում է իրական արժեքի խելամիտ գնահատում:

Ապրանքների վաճառքից և ծառայությունների մատուցումից առաջացած առևտրային դեբիտորական պարտքի միջին տևողությունը կազմում է 26 օր (2019թ.՝ 25 օր): Առևտրային դեբիտորական պարտքերի գծով տոկոսներ չեն հաշվարկվում:

Ղեկավարությունը հավատացած է, որ պետական բյուջեից դեբիտորական պարտքերն ամբողջովին ենթակա են վերականգնման:

Ընկերության՝ համեմատական ժամանակաշրջանի բոլոր առևտրային և այլ դեբիտորական պարտքերը վերանայվել են արժեզրկման հայտանիշների առկայության ստուգման համար:

Տե՛ս ծանոթագրություն 20(ա)՝ առևտրային և այլ դեբիտորական պարտքերի արժույթների բացահայտման համար:

## 9 Մնացորդներ դրամարկղում և բանկերում

Հազար ԱՄՆ դոլար	2020թ. դեկտեմբերի 31-ի դրությամբ	2019թ. դեկտեմբերի 31-ի դրությամբ
Կանխիկ միջոցներ ՀՀ դրամով	13	16
Բանկային հաշիվներ ԱՄՆ դոլարով	1,669	9,693
Բանկային հաշիվներ ՀՀ դրամով	54	145
Բանկային հաշիվներ ՌԴ ռուբլիով	9	16
	<u>1,745</u>	<u>9,870</u>

## 10 Կապիտալ և պահուստներ

### 10.1 Բաժնետիրական կապիտալ

Բաժնետոմսերի քանակը, եթե այլ բան նշված չէ	Սովորական բաժնետոմսեր 2020թ.	Սովորական բաժնետոմսեր 2019թ.
Հայտարարված բաժնետոմսեր		
Սովորական բաժնետոմսերի քանակը, յուրաքանչյուրը՝ 20,000 դրամ (5,000 դոլար)	100	100
Սովորական բաժնետոմսերի քանակը, յուրաքանչյուրը՝ 20,000 դրամ (5,000 դոլար)	100	100

Ընկերության բաժնետիրական կապիտալը ֆինանսական վիճակի մասին հաշվետվությունում ներկայացված է հիմնադրման օրվա փոխարժեքով:

Ընկերությունն ունի սովորական բաժնետոմսերի մեկ դաս, որը հաստատուն եկամտի նկատմամբ իրավունք չունի:

### 10.2 Շահաբաժիններ

Համաձայն 2020թ. նոյեմբերի 27-ի բաժնետիրոջ որոշման՝ Ընկերության միակ բաժնետիրոջը հայտարարվել է 12,215 հազար ԱՄՆ դոլար շահաբաժին (2019թ.՝ 400 հազար ԱՄՆ դոլար):

### 10.3 Պահուստային կապիտալ

2019թ. հունիսի 28-ին կայացած բաժնետերերի ժողովի արձանագրությամբ, Ընկերությունը կուտակված շահույթից կատարել է հատկացում պահուստային կապիտալին՝ 739.66 ԱՄՆ դոլար, ինչը կարգավորվում է Ընկերության կանոնադրությամբ:

## 11 Առևտրային և այլ կրեդիտորական պարտքեր

Հազար ԱՄՆ դոլար	2020թ. դեկտեմբերի 31-ի դրությամբ	2019թ. դեկտեմբերի 31-ի դրությամբ
Առևտրային կրեդիտորական պարտքեր	5,412	10,202
Հատուցումներ աշխատակիցներին	456	1,154
Վճարվելիք դիվիդենդներ	11,129	-
Այլ	526	19
	17,523	11,375

Ապրանքների ձեռքբերման գծով առաջացած պարտավորությունների մարման միջին տևողությունը կազմում է 1 ամիս (2019թ.՝ 1 ամիս): Առևտրային կրեդիտորական պարտքերի գծով տոկոսներ չեն հաշվարկվում: Ընկերությունն ունի ֆինանսական ռիսկի կառավարման քաղաքականություն, որոնք ապահովում են բոլոր պարտավորությունների ժամանակին կատարում:

Ընկերության արտարժույթային ռիսկի մասին ավելի մանրամասն տեղեկատվություն ներկայացված է ծանոթագրություն 20-ում:



## 12 Հասույթ

Հազար ԱՄՆ դոլար

	2020թ. դեկտեմբերի 31-ին ավարտված տարի	2019թ. դեկտեմբերի 31-ին ավարտված տարի
Դիզելային վառելիքի վաճառքից հասույթ	29,086	67,424
92 ռեզույլար տեսակի բենզինի վաճառքից հասույթ	47,975	74,578
95 պրեմիում տեսակի բենզինի վաճառքից հասույթ	12,193	19,082
98 սուպեր տեսակի բենզինի վաճառքից հասույթ	536	738
	<u>89,790</u>	<u>161,822</u>

## 13 Վաճառքի ինքնարժեք

Հազար ԱՄՆ դոլար

	2020թ. դեկտեմբերի 31-ին ավարտված տարի	2019թ. դեկտեմբերի 31-ին ավարտված տարի
Դիզելային վառելիքի վաճառքի ինքնարժեք	26,555	64,497
92 ռեզույլար տեսակի բենզինի վաճառքի ինքնարժեք	45,993	69,620
95 պրեմիում տեսակի բենզինի վաճառքի ինքնարժեք	11,102	17,625
98 սուպեր տեսակի բենզինի վաճառքի ինքնարժեք	440	676
	<u>84,090</u>	<u>152,418</u>

## 14 Վարչական ծախսեր

Հազար ԱՄՆ դոլար

	2020թ. դեկտեմբերի 31-ին ավարտված տարի	2019թ. դեկտեմբերի 31-ին ավարտված տարի
Հատուցումներ աշխատակիցներին	1,614	2,455
Գործառնական վարձակալություն	223	214
Մաշվածություն և ամորտիզացիա	83	91
Խորհրդատվական ծախսեր	58	91
Անվտանգության ապահովման ծախսեր	37	43
Ներկայացուցչական ծախսեր	1	6
Վերանորոգման և տեխնիկական սպասարկման ծախսեր	2	9
Գրասենյակային և կոմունալ ծախսեր	12	15
Փոստի և հեռահաղորդակցության ծախսեր	12	14
Վառելիքի գծով ծախսեր	3	6
Գործուղման ծախսեր	2	8
Ապահովագրական և բանկային ծախսեր	7	8
Այլ ծախսեր	31	18
	<u>2,085</u>	<u>2,978</u>

## 15 Զուտ ֆինանսական եկամուտ

Հազար ԱՄՆ դոլար

	2020թ. դեկտեմբերի 31-ին ավարտված տարի	2019թ. դեկտեմբերի 31-ին ավարտված տարի
Տոկոսային եկամուտ տրամադրված փոխառություններից	109	87
Տոկոսային եկամուտ բանկային հաշիվների մնացորդներից	6	32
Տոկոսային եկամուտ բանկային ավանդներից	45	-
Արտարժույթի փոխարկման հետ կապված զուտ ծախսեր	(30)	(44)
	<u>130</u>	<u>75</u>

## 16 Այլ ֆինանսական հոդվածներ

Հազար ԱՄՆ դոլար

	2020թ. դեկտեմբերի 31-ին ավարտված տարի	2019թ. դեկտեմբերի 31-ին ավարտված տարի
Փոխարժեքային տարբերությունից (վնաս)/օգուտ՝		
Դերիտորական պարտքեր	(37)	7
Փոխառություններ	(252)	121
Դրամական միջոցներ	(15)	12
Ֆինանսական պարտավորություններ՝ չափվող ամորտիզացված արժեքով	87	(14)
	<u>(217)</u>	<u>126</u>

## 17 Շահութահարկի գծով ծախս

Հազար ԱՄՆ դոլար

	2020թ. դեկտեմբերի 31-ին ավարտված տարի	2019թ. դեկտեմբերի 31-ին ավարտված տարի
Ընթացիկ հարկ	551	1,472
Հետաձգված հարկ (տե՛ս ծանոթագրություն 5)	119	(171)
	<u>670</u>	<u>1,301</u>

Արդյունավետ հարկային դրույքաչափի համադրումը ներկայացված է ստորև.

Հազար ԱՄՆ դոլար	2020թ. դեկտեմբերի 31-ին ավարտված տարի	Արդյունավետ հարկային դրույքաչափ (%)	2019թ. դեկտեմբերի 31-ին ավարտված տարի	Արդյունավետ հարկային դրույքաչափ (%)
Շահույթ մինչև հարկումը (համաձայն ՖՀՄՍ)	3,483		6,402	
Շահութահարկ՝ 18% դրույքաչափով (2019թ.՝ 20%)	627	18.0	1,280	20.0
Չնվազեցվող ծախսեր, զուտ	(27)	(0.8)	50	0.8
Հարկային դրույքաչափի փոփոխության ազդեցությունը	70	2.0	(29)	(0.5)
Շահութահարկի գծով ծախս	670	19.2	1,301	20.3

## 18 Կարևոր հաշվապահական գնահատումներ և դատողություններ

Ենթադրությունները և դատողությունները շարունակաբար գնահատվում են և հիմնված են պատմական փորձի, ինչպես նաև այլ ցուցանիշների վրա, ներառյալ ապագա ակնկալվող իրադարձությունները, որոնք տվյալ հանգամանքներում համարվում են ընդունելի:

### 18.1 Կարևոր հաշվապահական գնահատումներ

Ընկերությունն իրականացնում է ապագային վերաբերող գնահատումներ և ենթադրություններ: Այդ հաշվապահական գնահատականները կարող են չհամապատասխանել իրական արդյունքներին: Ստորև ներկայացված են այն գնահատումներն ու ենթադրությունները, որոնց գծով առկա է ռիսկ, որ հաջորդ ֆինանսական տարում ակտիվների և պարտավորությունների հաշվեկշռային արժեքները կենթարկվեն էական ճշգրտումների:

#### Հիմնական միջոցների օգտակար ծառայության ժամկետներ

Ղեկավարությունը կատարել է հիմնական միջոցների օգտակար ծառայության ժամկետների գնահատում: Ղեկավարության համոզմամբ գնահատված հիմնական միջոցների օգտակար ծառայության ժամկետներն էականորեն չեն տարբերվում այդ ակտիվների տնտեսական կյանքից: Եթե հիմնական միջոցների փաստացի օգտակար ծառայության ժամկետները տարբերվեն գնահատումներից, ապա ֆինանսական հաշվետվությունները կարող են էականորեն տարբերվել:

#### Գույրոնի իրացման զուտ արժեքի գնահատում

Հաշվետու ամսաթվի դրությամբ ղեկավարությունը կատարել է գույրոնի իրացման զուտ արժեքի գնահատում: Գնահատումը հիմնված է շուկայում գործող անկախ կողմերի միջև կատարված գնային առաջարկների վրա: Գնահատման արդյունքներով գույրոնի արժեքը կարիք չի առաջացել: Եթե գույրոնի փաստացի իրացման զուտ արժեքը տարբերվի գնահատումներից, ապա ֆինանսական հաշվետվությունները կարող են էականորեն տարբերվել:



### Տրված փոխառությունների գծով արժեզրկման պահուստի գնահատում

Ընկերությունը տրամադրել է իր կապակցված կողմ հանդիսացող «ՌԼ-Երևան» ՍՊԸ-ին երկարաժամկետ փոխառություն, որի գծով մնացորդը 2020թ. դեկտեմբերի 31-ի դրությամբ կազմել է 990 հազար ԱՄՆ դոլար: Հաշվի առնելով այն հանգամանքը, որ փոխառու կազմակերպության ֆինանսական ցուցանիշները 2020թ. տարեվերջին վատթարացել են, Ընկերությունը, առաջնորդվելով ՖՀՄՍ 9 «Ֆինանսական գործիքներ» պահանջներով, հաշվարկել է փոխառության գծով դեբիտորական պարտքի արժեզրկման պահուստ: Պահուստի գումարը հաշվարկելիս հաշվի է առնվել փոխառու կազմակերպության 2020թ. դեկտեմբերի 31-ի դրությամբ իրացվելիության ցուցանիշները:

Հաշվի առնելով այն փաստը, որ փոխառու կազմակերպության երկարաժամկետ պարտավորության մեծ մասը կազմում են բաժնետերերից ստացված փոխառությունները, իսկ բաժնետերերից ստացված փոխառությունը Ռուսաստանի Դաշնության օրենսդրության համաձայն դիտվում է որպես ստորադաս պարտավորություն, Ընկերության ղեկավարությունը համոզված է, որ հաշվարկված պահուստի մեծությունը առավելագույնս արտացոլում է տրամադրված փոխառությունների իրատեսական հավաքագրելիության մակարդակը:

## 19 Ֆինանսական գործիքներ

### 19.1 Հաշվապահական հաշվառման քաղաքականություններ

Ֆինանսական ակտիվի և ֆինանսական պարտավորության յուրաքանչյուր դասի համար կիրառված հաշվապահական հաշվառման քաղաքականությունը և ընդունված մեթոդների մանրամասները, ինչպես նաև եկամտի և ծախսերի ճանաչման չափանիշներն ու հիմքերը ներկայացված են ծանոթագրություն 3.5-ում:

### 19.2 Ֆինանսական գործիքների կատեգորիաները

Ֆինանսական ակտիվների և պարտավորությունների հաշվեկշռային արժեքները ըստ կատեգորիաների ներկայացված են ստորև.

#### Ֆինանսական ակտիվներ

Հազար ԱՄՆ դոլար	2020թ. դեկտեմբերի 31-ի դրությամբ	2019թ. դեկտեմբերի 31-ի դրությամբ
<i>Ամորֆիզացված արժեքով պահվող ֆինանսական ակտիվներ</i>		
Տրված փոխառություններ	990	1,096
Առևտրային և այլ դեբիտորական պարտքեր	6,292	11,107
Բանկային ավանդներ	10,008	-
Դրամական միջոցներ և դրանց համարժեքներ	1,745	9,870
Ընդամենը ֆինանսական ակտիվներ	19,035	22,073

**Ֆինանսական պարտավորություններ**

Հազար ԱՄՆ դոլար

	2020թ. դեկտեմբերի 31-ի դրությամբ	2019թ. դեկտեմբերի 31-ի դրությամբ
<i>Ամորտիզացված արժեքով պահվող ֆինանսական պարտավորություններ</i>		
Առևտրային և այլ կրեդիտորական պարտքեր	17,009	11,375
Ընդամենը ֆինանսական պարտավորություններ	17,009	11,375

**20 Ֆինանսական ռիսկի կառավարման ուղղություններ**

Ֆինանսական գործիքների հետ կապված՝ Ընկերությունը ենթարկվում է զանազան ռիսկերի: Այս ռիսկերն են շուկայական ռիսկը, պարտքային ռիսկը և իրացվելիության ռիսկը: Ընկերությունը ներգրավված չի սպեկուլյատիվ նպատակներով ֆինանսական ակտիվների ակտիվ առքուվաճառքի գործարքներում, ինչպես նաև չի թողարկում օպցիոններ: Առավել էական ֆինանսական ռիսկերը, որոնց Ընկերությունը կարող է ենթարկվել, նկարագրված են ստորև:

**Ֆինանսական ռիսկի գործոններ**

*ա) Շուկայական ռիսկ*

Ֆինանսական գործիքների օգտագործման ընթացքում Ընկերությունը ենթարկվում է շուկայական ռիսկի, հատկապես՝ արտարժույթային ռիսկի, որոնք բխում են ինչպես գործառնական, այնպես էլ ֆինանսական գործունեությունից:

*Արտարժույթային ռիսկ*

Ընկերությունը գործարքներ է իրականացնում արտարժույթով և, հետևաբար, ենթարկվում է արտարժույթի փոխարժեքային տատանումների ազդեցությանը:

Ընկերության գործարքների հիմնական մասն իրականացվում է ԱՄՆ դոլարով: Արտարժույթի փոխարժեքային տատանումներից կախվածությունն առաջանում է կապակցված կողմերին տրամադրված վարկերից, որոնք, ի սկզբանե, արտահայտված են ռուսական ռուբլով: Ընկերությունն ունի նաև արժույթով հաշիվներ բանկերում:

Ֆինանսական ակտիվներն ու պարտավորությունները, որոնք Ընկերությանը ենթարկվում են արտարժույթային ռիսկի, նկարագրված են ստորև:

Հոդված

2020թ. դեկտեմբերի 31-ի դրությամբ

Հազար ԱՄՆ դոլար

*Ֆինանսական ակտիվներ*

Տրված փոխառություններ

Մնացորդներ դրամարկղում և բանկերում

*Ֆինանսական պարտավորություններ*

Պարտավորություններ բաժնետիրոջը

Զուտ արդյունք

	Դրամ	Ռուբլի
Տրված փոխառություններ	-	990
Մնացորդներ դրամարկղում և բանկերում	67	9
	67	999
Պարտավորություններ բաժնետիրոջը	-	-
Զուտ արդյունք	67	999

Հողված

2019թ. դեկտեմբերի 31-ի դրությամբ  
Հազար ԱՄՆ դոլար

*Ֆինանսական ակտիվներ*

Մնացորդներ դրամարկղում և բանկերում

*Ֆինանսական պարտավորություններ*

Փոխառություններ

Զուտ արդյունք

	Դրամ	Ռուբլի
	161	16
	161	16
	-	1,096
	161	(1,080)

Ստորև բերված աղյուսակում ներկայացված է Ընկերության զգայունությունը՝ հայկական դրամի և ռուսական ռուբլու նկատմամբ ԱՄՆ դոլարի 10% (2019թ.՝ 10%) աճին/նվազմանը: 10%-ը (2019թ.՝ 10%) ղեկավարության կողմից գնահատված փոխարժեքի հավանական փոփոխությունն է: Զգայունության վերլուծությունը ներառում է միայն արտարժույթով արտահայտված դրամային հոդվածների մնացորդները և ժամանակաշրջանի վերջում ճշգրտում է դրանց փոխարկումը՝ փոփոխելով փոխարժեքը 10%-ով (2019թ.՝ 10%):

ԱՄՆ դոլարի արժևորումը հայկական դրամի և ռուբլու նկատմամբ 10%-ով (2019թ.՝ 10%) կունենա հետևյալ ազդեցությունը:

Հազար ԱՄՆ դոլար	Դրամի ազդեցություն		Ռուբլու ազդեցություն	
	2020թ.	2019թ.	2020թ.	2019թ.
Շահույթ կամ վնաս	(1,106)	16	100	(108)

Արտարժույթի փոխարժեքի տատանման ազդեցությունը տարվա ընթացքում փոփոխվում է՝ կախված վարկերի մնացորդներից: Այդուհանդերձ, վերը ներկայացված վերլուծությունը կարելի է համարել Ընկերության՝ արտարժույթային ռիսկին ենթարկվածության արտացոլումը:

*բ) Պարտքային ռիսկ*

Պարտքային ռիսկն առաջանում է այն դեպքում, երբ պայմանագրային գործընկերը չի կատարում իր պարտավորությունները, որի հետևանքով Ընկերությունը կարող է ֆինանսական կորուստներ կրել: Այս ռիսկի ազդեցությունը Ընկերության համար առաջանում է տարբեր ֆինանսական գործիքներից, ինչպիսիք են դեբիտորական պարտքերը, տրամադրված փոխառությունները և այլն: Պարտքային ռիսկի առավելագույն ազդեցությունը ներկայացված է հետևյալ ֆինանսական ակտիվների հաշվեկշռային արժեքներով՝

Հազար ԱՄՆ դոլար	2020թ. դեկտեմբերի 31-ի դրությամբ	2019թ. դեկտեմբերի 31-ի դրությամբ
Ֆինանսական ակտիվներ՝ հաշվեկշռային արժեքներ		
Դեբիտորական պարտքեր	6,292	11,107
Տրված փոխառություններ	990	1,096
Բանկային ավանդներ	10,008	-
Մնացորդներ բանկերում	1,732	9,854
	19,022	22,057



2020թ. դեկտեմբերի 31-ի և 2019թ. դեկտեմբերի 31-ի դրությամբ Ընկերությունը դեբիտորական պարտքերի գծով պահուստ չի ստեղծել, քանի որ ամբողջ դեբիտորական պարտքը մարվել է 2020թ. առաջին եռամսյակում:

2019թ. դեկտեմբերի 31-ի դրությամբ Ընկերությունը ձևավորվել է պահուստ իր կապակցված կողմին տրված փոխառության գծով: Դեֆոլտի հավանականության արժեքը որոշելիս Ընկերությունը հաշվի է առել փոխառու կազմակերպության բոլոր պարտավորությունները մարելու հնարավորությունները, ինչպես նաև վերջինիս կանխատեսվող ֆինանսական ցուցանիշները: Արդյունքում՝ դեֆոլտի հավանականության պայմանական արժեքը կազմել է 11%: Այս ցուցանիշը ճշգրտվել է հաշվի առնելով ապագային վերաբերող որոշ ցուցանիշներ, մասնավորապես՝

- Դուլարի նկատմամբ ռուբլու փոխարժեքի փոփոխությունների կանխատեսումը՝ 23.09%,
- Հայաստանի Հանրապետությունում ինֆլացիայի մակարդակի կանխատեսում առաջիկա տարիների համար՝ 2.70%,
- Հայաստանի Հանրապետության առաջիկա տարվա համար կանխատեսվող ՀՆԱ մակարդակը՝ 4.40%:

Արդյունքում՝ դեֆոլտի հավանականությունը կազմել է 23.84%, որը 2020թ.-ին ճշգրտվել է՝ ավելացնելով 10 տոկոսով և վերջնական տոկոսադրույքը 2020թ. դեկտեմբերի 31-ի դրությամբ պահուստի հաշվարկի համար կազմել է 26.23%: 10% տոկոսադրույքն ընտրվել է արտացոլելու համար դեֆոլտի հնարավորինս ճշգրիտ տոկոսադրույք, միաժամանակ հաշվի առնելով այն հանգամանքը, որ փոխառու ընկերության կողմից վերջին տարիների ընթացքում փոխառությունների մայր գումարների և տոկոսների գծով մարումներ ընդհանրապես չեն կատարվել:

Դրամական միջոցների և դրանց համարժեքների մասով պարտքային ռիսկն ընդունելի է, քանի որ պայմանագրային գործընկերները հեղինակավոր բանկեր են:

#### գ) Իրացվելիության ռիսկ

Իրացվելիության ռիսկն այն ռիսկն է, որ Ընկերությունն ի վիճակի չի լինի մարել իր պարտավորվածությունները:

Ընկերությունը վարում է իրացվելիության կառավարման քաղաքականություն՝ դրամարկղում և բանկային հաշիվներում պահելով բավարար միջոցներ, ինչպես նաև պահելով բարձր իրացվելիություն ունեցող ակտիվներ՝ գործառնական պարտավորությունները ժամանակին մարելու նպատակով:

Հետևյալ աղյուսակում ներկայացված է Ընկերության ոչ ածանցյալ ֆինանսական պարտավորությունների գծով պայմանագրային մնացյալ մարման ժամկետները: Աղյուսակը պատրաստված է ֆինանսական պարտավորությունների չզեղչված դրամական միջոցների հոսքերի հիման վրա՝ հաշվի առնելով ամենավաղ ամսաթիվը, երբ Ընկերությունը ստիպված կլինի մարել այդ պարտավորությունները: Աղյուսակը ներառում է տոկոսների և մայր գումարի գծով դրամական միջոցների հոսքերը:

2020թ.	Անտոկոս	Ընդամենը
Միջին կշռված արդյունավետ տոկոսադրույք (%)		
Մինչև 6 ամիս	456	456
6 ամսից 1 տարի	16,553	16,553
	17,009	17,009

2019թ.	Անտոկոս	Ընդամենը
Միջին կշռված արդյունավետ տոկոսադրույք (%)		
Մինչև 6 ամիս	1,154	1,154
6 ամսից 1 տարի	10,221	10,221
	11,375	11,375

Ընկերությունն իրացվելիության ռիսկի գնահատման և կառավարման ժամանակ հաշվի է առնում ֆինանսական ակտիվներից ակնկալվող դրամային հոսքերը, մասնավորապես՝ դրամական միջոցները և առևտրային դեբիտորական պարտքերը: Ընկերության դրամական միջոցները և առևտրային դեբիտորական պարտքերն էականորեն գերազանցում են անհրաժեշտ դրամական արտահոսքերը: Առևտրային և այլ դեբիտորական պարտքերից դրամական հոսքերը պայմանագրով ենթակա են ստացման 40 օրվա ընթացքում:

## 21 Կապիտալի ռիսկի կառավարում

Ընկերությունն իր կապիտալը կառավարում է այնպես, որպեսզի ապահովի իր անընդհատ գործելու հնարավորությունը և բաժնետերերին բավարար եկամուտ մատակարարի: Ընկերության կապիտալը կազմված է սեփական կապիտալից, որը ներառում է թողարկված կապիտալն ու կուտակված շահույթը:

Ղեկավարությունը գնահատում է Ընկերության կապիտալի պահանջները, որպեսզի ապահովի ընդհանուր ֆինանսավորման էֆեկտիվ կառուցվածք՝ խուսափելով չափազանց մեծ լծակավորումից (լեվերիջ): Հաշվի են առնվում Ընկերության վարկերի տարբեր դասերի ստորադասության մակարդակները: Ընկերությունը կառավարում է կապիտալի կառուցվածքը և դրանում ճշգրտումներ է կատարում՝ ելնելով տնտեսական պայմանների փոփոխություններից և համապատասխան ակտիվների հետ կապված ռիսկի բնույթից: Կապիտալի կառուցվածքը պահպանելու կամ ճշգրտելու նպատակով, Ընկերությունը կարող է փոփոխել բաժնետերերին վճարվող բաժնեմասի գումարը, վերադարձնել կապիտալը բաժնետերերին, թողարկել նոր բաժնետոմսեր, կամ վաճառել ակտիվները՝ պարտքը նվազեցնելու համար:

Ընկերության՝ որպես կապիտալ կառավարվող գումարները հաշվետու տարվա համար ամփոփված են ստորև.

Հազար ԱՄՆ դոլար	2020թ. դեկտեմբերի 31-ի դրությամբ	2019թ. դեկտեմբերի 31-ի դրությամբ
Ընդհանուր սեփական կապիտալ	2,819	12,221
Հանած՝ մնացորդներ դրամարկղում և բանկերում	(1,745)	(9,870)
Կապիտալ	1,074	2,351
Ընդհանուր սեփական կապիտալ	2,819	12,221
Ընդհանուր ֆինանսավորում	2,819	12,221
Կապիտալի և ընդհանուր ֆինանսավորման հարաբերակցություն	0.38	0.19



## 22 Պարտավորվածություններ

### 22.1 Գործառնական վարձակալության գծով պարտավորվածություններ

#### *Ընկերությունը որպես վարձակալ*

Արարատի մարզի Սուրենավան համայնքի Երևանյան խճուղի 8 հասցեում գտնվող 5.8 հա մակերեսով հողամասը և դրա վրա գտնվող արտադրական նշանակության շինությունները գործառնական վարձակալությամբ ստացվել են մինչև 2027թ. հունվարի 1-ը: Ընկերությունը վարձակալության ժամանակաշրջանի վերջում հնարավորություն չունի ձեռք բերել վարձակալված ակտիվները: Ընկերությունը կարող է միակողմանիորեն լուծել վարձակալության պայմանագիրը, եթե վարձատուին առնվազն 30 օրացույցային օր առաջ ծանուցել է նման մտադրության մասին:

## 23 Պայմանականություններ

### 23.1 Ապահովագրություն

Հայաստանում ապահովագրական համակարգը զարգացման փուլում է և ապահովագրության շատ տեսակներ, որոնք լայնորեն տարածված են մյուս երկրներում, Հայաստանում դեռ չեն կիրառվում: Ընկերությունը չունի ամբողջական ապահովագրական ծածկույթ իր ակտիվների և գործունեության ընդհատման համար, չունի նաև Ընկերության գույքի կամ գործառնությունների հետ կապված պատահարների հետևանքով գույքին կամ շրջակա միջավայրին հասցված վնասի գծով երրորդ կողմի նկատմամբ պարտավորությունների ապահովագրություն: Քանի դեռ Ընկերությունը համապատասխան ձևով ապահովագրված չէ, գոյություն ունի ռիսկ, որ որոշակի ակտիվների կորուստը կամ ոչնչացումը կարող է անբարենպաստ նյութական ազդեցություն ունենալ Ընկերության գործունեության և ֆինանսական վիճակի վրա:

### 23.2 Հարկեր

Հայաստանի Հանրապետության հարկային օրենսդրությունը հաճախակի ենթարկվում է փոփոխությունների, ինչը որոշ դեպքերում մեկնաբանությունների կարիք է առաջացնում: Հաճախ տարբեր հարկային և իրավասու մարմիններ տարբեր մեկնաբանություններ ունեն: Վերոհիշյալ հանգամանքները Հայաստանում կարող են առաջացնել ավելի մեծ հարկային ռիսկեր, քան այլ երկրներում:

2020թ. հունվարի 1-ից ուժի մեջ է մտել ՀՀ Հարկային օրենսգրքի տրանսֆերային գնագոյացման կարգավորումներին վերաբերող զրույսը, որը սահմանում է առանձնահատկություններ փոխկապակցված կողմերի միջև կատարվող գործարքների վերաբերյալ, սահմանում է հարկային մարմնի կողմից այդ գործարքները վերահսկվող համարելու, ինչպես նաև դրանց վերաբերյալ ծանուցում և փաստաթղթավորում ներկայացնելու կարգը:

Հարկերը հարկային մարմինների կողմից ենթակա են վերանայման և ուսումնասիրության: Հարկային մարմիններն օրենքով լիազորված են տուգանքներ և տույժեր առաջադրել:

Ղեկավարությունը համոզված է, որ հարկային պարտավորությունների գծով կատարել է համապատասխան հատկացումներ հարկային օրենսդրության իրենց մեկնաբանության հիման վրա: Այնուամենայնիվ, հարկային մարմինների մեկնաբանությունները վերը նշված հանգամանքների առումով կարող են տարբերվել, և դրանց ազդեցությունը կարող է զգալի լինել:



### 23.3 Շրջակա միջավայրի հետ կապված խնդիրներ

Ղեկավարությունը համոզված է, որ Ընկերությունը բավարարում է շրջակա միջավայրի հետ կապված Կառավարության պահանջները և վստահ է, որ Ընկերությունը շրջակա միջավայրի հետ կապված ընթացիկ էական պարտավորություններ չունի: Այնուամենայնիվ, Հայաստանում շրջակա միջավայրի վերաբերյալ օրենսդրությունը զարգացման փուլում է, և դրա հավանական փոփոխություններն ու օրենսդրության մեկնաբանություններն ապագայում կարող են էական պարտավորություններ առաջացնել:

## 24 Դրամական միջոցներ և դրանց համարժեքներ

Դրամական միջոցների հոսքերի մասին հաշվետվության նպատակով՝ դրամական միջոցները և դրանց համարժեքները ներառում են դրամական միջոցները դրամարկղում ու բանկերում և մինչև 3 ամիս մարման ժամկետ ունեցող կարճաժամկետ ներդրումները: Ֆինանսական տարվա վերջի դրությամբ դրամական միջոցների հոսքերի մասին հաշվետվությունում ներկայացված դրամարկղում և բանկերում մնացորդները կարող են համադրվել ֆինանսական վիճակի մասին հաշվետվության հոդվածների հետ հետևյալ կերպ.

Հազար դոլար	2020թ. դեկտեմբերի 31-ի դրությամբ	2019թ. դեկտեմբերի 31-ի դրությամբ
Մնացորդներ դրամարկղում և բանկերում	1,745	9,870
Կարճաժամկետ բանկային ավանդներ	10,008	-
	<u>11,753</u>	<u>9,870</u>

## 25 Կապակցված կողմեր

Ընկերության կապակցված կողմերը ներառում են մայր ընկերությունը, ընդհանուր վերահսկողության տակ գտնվող ընկերությունները և հիմնական ղեկավար անձնակազմը:

### 25.1 Վերահսկողություն

Ընկերությունը վերահսկվում է Լյուքսեմբուրգում գրանցված Ռոսնեֆտ Տեխնո Ս.Ա.-ի կողմից, որին պատկանում է Ընկերության բաժնետոմսերի 100%:

## 25.2 Գործարքներ կապակցված կողմերի հետ

Հաշվետու տարվա ընթացքում Ընկերության և իր կապակցված կողմերի միջև իրականացվել են հետևյալ գործարքները, և հաշվետու ամսաթվի դրությամբ մնացորդները հետևյալն են:

Հազար ԱՄՆ դոլար	2020թ. դեկտեմբերի 31-ին ավարտված տարի	2019թ. դեկտեմբերի 31-ին ավարտված տարի
Գործարքներ		
Մայր ընկերություն		
Հայտարարված շահաբաժին	12,215	400
	<u>12,215</u>	<u>400</u>
Հազար ԱՄՆ դոլար	2020թ. դեկտեմբերի 31-ի դրությամբ	2019թ. դեկտեմբերի 31-ի դրությամբ
Գործարքներ		
Ընդհանուր վերահսկողության տակ գտնվող ընկերություններ		
Հիմնական միջոցների ձեռքբերում	198	-
Ապրանքների և ծառայության ձեռքբերում	84,149	152,490
Տրված փոխառություններ	46	441
Տոկոսային եկամուտ	109	87
	<u>84,502</u>	<u>153,018</u>
Հազար ԱՄՆ դոլար	2020թ. դեկտեմբերի 31-ի դրությամբ	2019թ. դեկտեմբերի 31-ի դրությամբ
Մնացորդներ		
Ընդհանուր վերահսկողության տակ գտնվող ընկերություններ		
Տրված փոխառություններ	990	1,096
Առևտրային և այլ կրեդիտորական պարտքեր	5,410	10,198
	<u>6,400</u>	<u>11,294</u>

### 25.3 Գործարքներ ղեկավարության և նրանց անմիջական ազգականների հետ

2020թ. դեկտեմբերի 31-ի դրությամբ և 2019թ. դեկտեմբերի 31-ի դրությամբ Ընկերության ղեկավարությունը և նրանց անմիջական ազգականները Ռոսնեֆտ Տեխնո Ա.Ա.-ի կանոնադրական կապիտալում էական մասնակցություն չունեն:

Հիմնական ղեկավար անձնակազմը ժամանակաշրջանի ընթացքում ստացել է հետևյալ վարձատրությունը, որը ներառված է «Փոխհատուցումներ աշխատակիցներին» հոդվածում.

Հազար ԱՄՆ դոլար

Աշխատավարձ և պարգևատրումներ

Հազար ԱՄՆ դոլար

Չօգտագործված արձակուրդի գծով պարտավորություն

	2020թ. դեկտեմբերի 31-ին ավարտված տարի	2019թ. դեկտեմբերի 31-ին ավարտված տարի
	1,363	441
	1,363	441
	2020թ. դեկտեմբերի 31-ի դրությամբ	2019թ. դեկտեմբերի 31-ի դրությամբ
	68	142
	68	142